

靈巖山人詩集

靈巖山人詩集目錄

第二十七卷 古今體詩

青門集

重光單闕

月夜望終南山

秦鏡曲

春夜獨眠夢偉丈夫攜古琴一張示余音響洵  
越背鐫籀篆十餘字似霹靂文不可識也作  
詩紀之

夢三弟

喜嚴侍讀冬友至

灞橋示送行友人

長安詠古四首

出函谷關作

花朝馬上口占

登龍門山觀黃河出陜作

禹廟

漢太史司馬遷墓

隋清娛墓

哭延壽三弟

蜘蛛嘲蠅虎

蠅虎嘲蜘蛛

閒房

孤樹

聞蟬二首

都下故人貽書問詢鄙狀惠贈白玉念珠一串  
展緘復讀詞意悱惻令人增離索之感率成  
絕句六首却寄恐不成報章也

雨夜夢裘文達公感賦

冬日出游崇聖寺

元默執徐

上元前一日喜雨

花朝復雨

夢中得句醒後能記憶詩甚奇然不解所謂壬

辰二月二十日夜也

晚晴

楊花四首

延青弟手披文選書後

三弟忌日感賦

友人示我舊時畫冊感作長歌

題沈松原竹刻枯槎竹石臂閣

咸陽懷古二首

畢原

樊川

少陵原

游草堂寺六首

游漢陂望紫閣峯

黃簡齋學博秋江歸櫂圖

七夕篇

題王紫綉

綬

廉使遺照

題吳匏庵先生問鬚新卷卽和原韻二首

問白鬚

代鬚答

長樂坡

題梅花道人畫竹殘卷爲張晴溪前輩作

靈巖山人詩集卷二十七

鎮洋畢沅秋帆

一字  
纓

青門集

重光單闕

月夜望終南山

南山破全秦積氣莽迴幹太白太華間茲山與之軋惚恍  
通神明飛騰向空濶夜深霜露下洗出蒼翠骨何年紫閣  
峯猶挂古時月

秦鏡曲

寶蟾昱昱摘太清飛精水銀百鍊成壽光紫珍鑄定名毒  
龍猛虎左右縈范金合土五兩輕古質鍤澀銅無聲開筵

一氣寒蟲凜凜顛毛見心事日精月華斂幽祕銀花汞  
蝕土花漬血痕斑斑背有識瑰文依稀相斯字我聞咸陽  
宮中有鏡分神姦鬼物欲近心膽寒磁石門前却兵甲菱  
花影裏流江山一朝美人化黃土銀鳧玉雁飛人間鏡乎  
亦是掖庭物寫翠傳紅消歲月阿房焰冷古今平墓裏還  
隨劫灰出我思秦皇鑄鏡照膽兼照形不能照使六州豪  
傑無離情金城萬里已破碎區區一鏡何用空光明嗚呼  
一鏡何用空光明

春夜獨眠夢偉丈夫攜古琴一張示余音響清越  
背鐫籀篆十餘字似霹靂文不可識也作詩紀  
之



涼雲吹春夜風急雨欲逼窗愁夢濕薄悵爛鐙燭光前  
有丈人抱琴立長身玉顏鬢髮黃星冠珠履仙官裝見我  
長揖意甚莊枯桐三尺紫錦囊謂是晏龍遺制鈞天廣樂  
之古器敗漆黧淡無精光驂鸞鞭鳳鶩八極審音操纓抗  
手成連行腹藏太古蝌蚪字蛟螭挈擲凌三倉是時月黑  
天茫茫賓鴻不驚元鶴翔得非空絃宛轉感敬伯定是九  
皋霹靂悲商梁含苞淳泊製元古精爽騰越游鴻荒琴停  
夢醒春寂寂梅花弄影香無迹

夢三弟

驚看魂不定相抱意還疑聚散全難信悲歡那自持憐予  
塵鬢老惜爾病軀羸斷夢和鐙暗吞聲一注思

喜嚴侍讀冬友至

一笑懽悰合三秋別恨刪奇情歷華嶽險句扼秦關肝膽平生托文章古境扳相期勗明德未覺鬢毛斑

灞橋示送行友人

灞行相送灞橋頭攀揀垂楊我勸休早被旁觀人記取者枝春是使君畱

長安詠古四首

茂草周原迹久陳高山依舊矗青旻創垂業統開農事作述君師總聖人流火一篇幽俗古遷都九鼎洛濱淪卜年八百滄桑變漆簡金滕記失真

函谷兵威掃電靈雄圖事事駭聞聽并兼地盡窮三島煨

燼書殘出六經博浪鐵椎能不死阿房七首竟無靈只悲  
金椀人間售繡嶺秋宵鬼火青

斬蛇一劍剗羣英威斗高臨北斗城亭長開基原創格金  
仙垂淚總關情吏循實並經明重閣孽還同黨禍傾憑弔  
七陵禾黍外空留殘照滿西京

晉水龍飛拓遠規一編貞觀繫安危宮闈改步窺神器藩  
鎮稱兵借義旗裔本神仙多入道靈鍾河嶽出新詩子孫  
孱弱弁毛棄莫續戎衣開國時

出函谷關作

雞鳴殘月出關初蘇季當年計亦疏笑他肘挂黃金印曾  
到秦邦十上書

花朝馬上口占

眨眼春三已半分馬頭紅雨正繽紛  
經旬浣盡征衣色華嶽嵐烟泰岱雲

登龍門山觀黃河出壚作

黃河絕塞來不肖就約束奔騰出壚口  
作意盪平陸偉哉神禹功三泉窮反覆  
因性利導之將洩務先蓄上鑿丹厓  
開下穿翠峽縮洪波似游龍欲出形  
反曲舉頭風雨飛掉尾雷霆逐掀騰  
力過猛卻被峯稜觸突然向前趨兩  
岸若拆蹴建瓴乃得勢一瀉千尋瀑  
灑色爛如銀晝夜眷地軸旋渦深成  
淵駭浪大于屋亂拋合浦珠碎擦昆  
岡玉轟轟聲不停萬乘齊轉轂遠聽  
怯驚魂俯闕駭盪目宇宙此開

闢斧痕手可觸巨石激驚濤猶含上古綠在昔太史公於此最傾屬須識會心處非爲離塵俗流連山水奇可當異書讀

禹廟

靈旗高捲大河濱想見當年開鑿辰玉殿金甌閒白晝珠龕羅幔掩殘春八年風雨乘樯楫九鼎圖經泣鬼神到底不辭衣服惡袞龍今亦集香塵

漢太史司馬遷墓

寂歷空林騎久停爲公姓字有餘馨一坏土占韓城古殘表苔畱漢代青蠶室不綠傷虎奔龍門安得繼麟經臨風載把芳醪奠曾讀遺文溯典型

雲屏山人詩集卷二十一  
四  
隋清娛墓

史筆龍門絕代奇，瑤姬幸侍絳羅帷。  
松枝明月開妝鏡，石磧清泉潤墨池。  
芳草埋香憐麗骨，杏花漾影怨幽姿。  
生前玳瑁貽雙管，半佐修書半畫眉。

哭延青三弟

亭午放衙罷身閒，一事無緩入竹西。  
徑獨坐池上，廬非關體疲，茶只覺心恹。  
倚方牀，聊伏枕，猝然來友于。  
急起出相視，執手上階除，謂汝容西江，何由遽來乎。  
弟容甚慘戚，徐徐道起居自從罷官後，鬱鬱心不舒。  
心病旋嘔血，二豎肆擲揄沈絳，歷數旬百計延醫，巫三月初六日，乃得復故。  
吾有事，特白兄願兄垂聽，予人生如寄耳，苦被名利拘，僅緣

五斗米局促類馘駒今欲謝紅塵海上探蓬壺輕身跨雲  
鶴寧暇戀妻孥高堂有兩兄孝養恒歡愉兄慎弗念弟弟  
自樂元虛努力加餐飯善保千金軀語竟卽辭去涕泣擊  
弟祛嗚咽倏驚寤輾轉心躊躇無聊步迴廊空庭日已晡  
策策檐上聲風搖雙碧梧司閭忽入報豫章遺長鬢火速  
呼至前手呈尺素書署名乃幼姪書中竟何如自從罷官  
後鬱鬱心不舒心病旋嘔血二豎肆擗掄沈絛歷數旬百  
計延醫巫三月初六日溘然痛長徂旅邸治喪事事形  
拮据覽書未及竟淚下霑襟裙汝年三十五正爾富居諸  
詞華衆交仰才智吾所輸方期騷裏足騁步凌雲途方期  
鸞鷲翼翻飛集仙都胡爲天不仁遽教中道殂卷施每難

死猗蘭偏易枯不斃流離子卻殪九苞雛我欲問真宰爲  
善誠非歟遙憶匡廬下荒涼宅一區白晝雨浙瀝長夜月  
模黏巷陋喧急拆城春嘒曙烏舉目鮮親丁一孀借一孤  
靈牀鐙昏昏風冷總帷疏兒小猶覓爺婦病時號夫哀哀  
哭泣聲聞者爲嗟吁興懷及於此五內同剗爰命家人  
輩設位堂東隅醞酒酌盈罇麥飯盛滿盂呼弟在天靈來  
此相依於一言特告汝言出吾不渝行卽理舟楫扶輓歸  
里閭沙田營數椽汝婦食無虞汝子猶吾子鞠育寧辭劬  
矧聞頗聰穎呼喋頭角殊詩書吾家事須俾仍業儒魂兮  
儻有知道憾可稍據所苦慈闈中聞信正歛獻翻累白髮  
親招魂向空呼古廳風淒淒燭燼香在鑪歷亂紙錢灰吹



徧庭間蕪

蜘蛛嘲蠅虎

綠君善捕蠅加以波羅名柰何任若輩附熱常營營

蠅虎嘲蜘蛛

同一腹中絲君用作羅網安居而欲得此風不可長

閒房

古槐濃綠隱閒房山海屏風繞石牀時未交秋天正午暫  
來坐定卽身涼

孤樹

朝暎夕照東西屋綠滿軒窗暑不侵未易中庭作孤樹兩  
邊顛倒送涼陰

聞蟬二首

筠簾綺閣約清風  
夢落方塘綠影中  
最愛晚涼新上月  
一痕秋意到梧桐

一賦陳王託興深  
孤吟仗爾豁炎襟  
貂璫地分雖清切  
何易餐霞飲露心

都下故人貽書問詢鄙狀  
惠贈白玉念珠一串  
展緘復讀詞意悱惻  
令人增離索之感  
率成絕句六首  
却寄恐不成報章也

蕩漾花間白露光  
秋衾抱影臥虛堂  
書來顛倒千迴讀  
三歲相思字八行

短衣匹馬走窮邊  
風雪長途路萬千  
愁倚天山看塞月  
分

明三十六回圓

光碧流精舊夢長  
會騎白鳳叩雲闈  
罡風吹落人間去  
蓬嶠回頭漸渺茫

塞垣雨冷埋香骨

前歲悼亡

江國風顛折紫荆

今卷三弟没于西江

聽遍隴

頭嗚咽水年來總作斷腸聲

停雲吟慣懷人句  
編集詩多出塞篇  
見說長卿憔悴甚  
茂陵秋雨病年年

遠道芳緘鄭重開  
念珠小串琢瓊瑰  
暗攜袖底循環記  
一日相思一百迴

雨夜夢裴文達公感賦

素車白馬氣如虹  
邂逅生前一笑同  
執手忍揮知己淚  
論

心猶見古人風青衫認我仍爲客

予爲諸生蒙公有國士之譽

蒼鬢憐公已

作翁涼雨又喧殘夢覺容暉還照壁鐙紅

官修撰後館於公之石虎街賜第夢中光景

宛如昔日

冬日出游崇聖寺

歲晚餘閒愜所欣田家墻戶鳥呼羣荒寒極目心彌遠日  
落空山不起雲

元默執徐

上元前一日喜雨

宵闌酒淺雨初深小閣安牀近竹林望歲民情虛臘雪試  
鐙天氣作春陰五更斗入清涼夢萬物不添歡喜心多謝  
嶽靈施巨手三秦久已盼甘霖

花朝復雨

乾風捲土一冬晴再慶春霖得滿盈雲色曉濃連嶽色雨  
聲晚急帶河聲洗兵佇看邊氛靜上市喧傳米價平不是  
天心頻錫澤災餘何以活蒼生

夢中得句醒後能記憶詩甚奇然不解所謂壬辰  
二月二十日夜也

俯仰平生任俠名崢嶸身世劍孤橫淵深嶽峻空今古二  
十年前心已平

晚晴

南山露圭稜刻畫夕陽影空谷收餘霽輕霞繡遙嶺暗雨  
打三春轉頭月過竊愁爭青草生夢夏翠篠冷白雲倏破

碎蔚藍見天頂鳥欣投暮林水渾汲古井海棠洗未殘明  
妝豔而靚微月淡蛾眉幽懷坐耿耿

楊花四首

漢殿隋隄白下門飄零到處總銷魂深春霜霰驚縣密乍  
別心情易絮煩臨水獨來疑顧影隔簾自去悄無言數聲  
玉笛紅樓上吹落江潭月一痕

若箇清談松塵揮凌空玉屑墜霏霏顛狂各上青雲去鬪  
聚俱成皓髮歸風定經時畱曲榭身輕鷲地入重扉春殘  
爾更情懷好閒伴南園蛺蝶飛

情到纏緜未易裁別離難耐杜鵑催偶緣春雨成畱滯不  
管鄰家卽去來點點散時仍自聚紛紛落處始知開閒庭

盡夜風聲息失卻青青一片苔

一一無聲下畫檐窺窗猶認雨廉纖迴風競作僊僊舞點  
硯疑歌昔昔鹽擬學步虛游紫府阿誰彈粉在紅簾銀塘  
若有鴛鴦侶日見浮萍漸次添

延青弟手披文選書後

杏花零落早春天碧草池塘痛惠連未了緣猶期世世難  
乾淚自灑年年每聽夜雨慵登閣

龔在京邸同居宣武門外聽雨樓

爲鞠孤兒

早買田

今春節休寄歸爲姓裕曾在婁東置田三頃

掩卷幾番愁卒讀朱書遺蹟在殘

編

三弟忌日感賦

骨月中年傷死別縷縷涕淚洒吳天愁吟軾轍聯牀句怕

說機雲入洛年

庚辰辛巳間弟應試南宮  
暫留日下一時聲名籍甚

千萬種花偏早落廿三

迴月不成圓白頭慈母逢寒食親向雲堂挂紙錢

厝太倉北郭  
門外古廟

友人示我舊時畫冊感作長歌

丁年作事中年悔少賤多能動爲累南香北雪爾何堪東  
抹西塗甚無謂隔霧看花春有無覆蕉求鹿心明昧膏騰  
入手撫陳迹感嘆赧顏發深媿憶昔髫齡事事宜風光駘  
宕冶游時酒壚基墅經過早帽影鞭絲歸去遲江鄉二月  
花如霰到處流鴛不住唳鉢盂香飯徐波墓畫舫青山短  
簿祠時時沈壁題詩句往往高歌動行路賸取黃河羌笛  
詞吟殘碧落清鐘曙興來旁薄畫滄洲一片深情托豪素  
生香活色能幾時紫蛇紅嫣不知數少日詞場偶暇名浮



煙浪墨不關情青春背我堂堂去白髮從頭漸漸生此日  
看花愁眼暗此時迴首欲心驚睇來猶恐平生負緬去還  
令感慨并感君示我童時畫到眼分明劇悲咤柳躡鴛嬌  
尙宛然撫今慨昔何能罷披圖不省記當年翻覆尋思乃  
恍然曾憶長安乞米日無聊寫向寓窗前寓情漫興聊爲  
此暈碧施朱亦徒爾長安春色恰東來綺歲芳華當稚齒  
淚濺花枝別夢多心傷柳陌飛光駛雖工點綴何補益得  
飽酣嬉任泥滓卷中花鳥意中炊翕黛霏藍翠彩含埜亭  
春還煙景暮竹塢影動斜陽嵌拾香草方懷視北看梅花  
又思江南江南江北迢迢合夜雨橫塘話螺蛤綠蒲紅蓼  
是家鄉棣萼金萱到睂曉花間數遣版輿迎枕旁常帶淚

雲巖山ノ言身名二二一  
痕濕白雲冉冉望歸來寸草心心點於邑忽然感激從中  
來花臺日暮風煙開春暉浩蕩何所望日月逾邁良可哀  
丈夫致身會許國悲惋于吾何有哉收圖却立靜俯仰澄  
懷默坐還裘回自慙結習久未屏嗜古耽詩苦妨靜雕蟲  
刻鵠何足論矧乃區區雪鴻影還君此畫三歎嗟長笛一  
聲遙度嶺

題沈松原竹刻枯槎竹石臂閣

子規叫裂湘筠清銼刃所到雲林呈蕭疎工入纖妙處竹  
心石骨筆筆鋒稜生貞篁凌霜老空谷刻刻欲令山鬼哭  
漆書竹簡淳古俗吾願已雕已琢反其樸

咸陽懷古二首

杜郵落日接孤城古礎方花積蘚生原廟精靈呼夜雨一作

吹碧火

河山煨燼愴神京斷碑不辨何王號破瓦猶鐫古殿

名闕遍興亡清渭水故應鉛淚滴來成

一作多少興亡鉛水淚月明清渭咽無聲

陵閣蒼涼古道遶五原豐草碧芊芊窮泉鏡隱秦時月採  
藥風迷海上船夜市有人沽玉盃秋風無淚泣銅仙霸圖  
王業消磨盡禾黍高低落日圓

### 畢原

豐鎬基開八百年黍離王跡又東遷飄搖風雨懷桑土陟  
降岡原溯澗泉秘寢玉魚游夜月靈臺白鳥守荒阡五雲  
松柏橋山路父老低頭拜野田

### 樊川

翠黛染終南風光亦豔冶杜韋尺五天濃綠罩平野煙容  
列嶂凝雲影晴波瀉沙鳥故衝人花枝時礙馬遙林中斷  
處飛薨露碧瓦清磬聲泠泠知是古蘭若叩扉紆步履讀  
碑香臺下小桃一樹開紅霞風碎捲不見傷春人我來春  
去也夕陽弔吟魂名花摘一把

少陵原

屏從停輿澆水旁經時延竚攬風光黃梅不雨雲仍濕綠  
野無花草亦香漢后荒陵眠石獸杜公何地問書堂接天  
太乙青如畫賺我登臨覓句忙

游草堂寺六首

終南赴幽期峭峯背古寺松徑煙未收紵衣涼濕絕

射山門雲藏金勝字小童如帚長方埽落花地破閣鐘一  
聲不似人間世

前賢施草堂慧因結蘭若照佛琉璃鏡亙古紅不地吾思  
謝簪纓來依白蓮社一几一石牀盡借金經寫空言非偶  
然作證有尊者

幽苑罕人到青莎連石幢題名半唐宋歲久惜漸斲楮  
何代物挺立各成雙禪室在其下黑雲屯一窗晝夜疏簾  
外巨浪春春江

緣厓百尺樓欄杆出林杪涓川座上呈秦嶺窗中小傍衣  
生冷雲平地看飛鳥此景畫應難茲游吾亦少誰云世界  
寬大千一目了

疊石轉迴廊深篁連靜室爲看圭峯碑知是裴休筆神堯  
多情入亦爲子祈疾啜茗據禪牀下簾遮落日驀地聞幽

香盆蘭初放一

有唐太祖爲  
子祈疾石碣

境佳未忍歸更借石堂宿僧進伊蒲供佐以桃花粥良夕  
值三五華月吐雲木鐘定鶴初回滿地露苔綠一夜何曾  
眠得句卽題竹

游漢陂望紫閣峯

翠色染不成虛嵐罨高嶺亭亭隔漢陂  
搔人頻引領新篁抽玉簾孤日縣金餅  
倒映沖瀰間水底臥峯影髣髴綠雲  
鬢瀉入鏡光冷紛窺世無雙春曉妝  
初整雨勢曉關來長風恣驕逞  
暗聽亂鳥驚繚繞翻藻荇萬丈碧  
琉璃盪碎只

俄頃少焉復開朗半巖延返景涼意滿菰蒲暝色動蛙龜  
漁村已晚炊煙裏楓林頂

黃簡齋學博秋江歸權圖

行年五十見華顛設帳春明又幾年莫恨故園歸計晚休  
官還擁舊青氈

綠波渺渺意悠悠蓬影萍心西復東却恨石尤無賴甚逢  
君便逞打頭風

畫舫銀鐙憶昔年擘箋曾賦冶游篇秋風儻動葦鱸興好  
趁圖中鴨嘴船

七夕篇

天漢波聲流有力初更月抱雙梧碧空幃無限向涼心一

鈎淡出新秋色玉露金風夜未央盈盈修渚悵無梁好憑  
鶴駕邀雲輦薄翦鴻衣貼羽裳怨長會促輕捐玦泣染珠  
綃也淒絕人間天上總情區今夕仙凡竟無別月殿涼波  
寫寶犀長門連愛踏歌時龍梭巧織七襄怨鳳鳥香霏百  
子池富貴神仙願雙保亦有豪門擬瓊島還思緱嶺列真  
堂更想子儀同壽考誰家笑語隔銀屏鐙隱遙光迓彩駟  
嬌女露臺齊下拜手攜巧杲祭雙星寂寞鴛機濕秋雨錦  
章一尺愁千縷願驅靈鵲駕長橋渡盡人間別離苦西檄  
征夫尙荷戈浮雲玉壘望如何紅樓少婦停針夜淚比銀  
河浪更多

題王紫緜綬廉使遺照



滄海兩葉萍飄泊隨風忙會合既有日歡睽又不常天公  
簸弄人驅之哀樂場黃墟翳白日彈指判滄桑王君閩循  
吏海嶽分清光陳臬來關內荃蘭綉佩香修髯飄一尺瘦  
骨頹而長新建裘司空許爲似漁洋

叔度先生贈詩有長  
身仿律漁洋翁句

嬰鑠哉

是翁骨彩增飛揚折節慕高義結客學孟嘗同舟甫匝月  
政事資匡襄奄忽染時疾伏枕臥秋堂仙草試不靈二豎  
銷膏肓臨牖執君手秉燭坐君牀眼眶滿酸淚欲言不可  
詳含胡舌根焦反側支體僵彌留牀第問形槁精魄亡游  
魂騰一縷蛻骨單衾藏守尸賸愛妾含殮悲遺孀啾啾鬼  
夜愁破曙月影涼寢門一痛哭萬古空相望孤子抱遺奠  
欲題不成章展圖復諦視眉宇添古蒼會面未云數想像

漸渺茫惟此一寸心可爲良友將山深絕人境石洞環蒼  
簣採藥訪仙侶蓬萊在故鄉雲濤照顏色騎鯨下大荒

題吳匏庵先生問鬚新卷卽和原韻二首

問白鬚

鬚齡顏似玉人說過江時陽阿慕晞髮吉夢兆剃髭無端  
鬚鬢生攬鏡匪存思今秋白一莖其故嘗難知白勢正未  
已人力何能爲此中榮枯理舍汝更問誰黑白悟元解飲  
食樂頤頤

用法  
言語

代鬚答

人生非金石萬事感華髮仰看明蟾光有圓卽有缺隙駒  
催人老焉能恕賢哲輕塵逐飛電彈指去如瞥新霜上吟

髭歲月正飄忽能到全白時諒子心亦悅盛衰理固常強  
辯不若啞

長樂坡

長安東門東舊京嚴鎖鑰十里走平原原盡立壁削屹然  
儼金湯土厓峙垠堞秦關隘其胸潼水絡其脚中開一綫  
路不知何年鑿勢爭龍首雄形並虎牢各弈棋勝敗分彈  
指滄桑作周秦漢隋唐五朝等一噓英王與劇盜此地必  
爭攫雖無險阻憑唇齒近坵郭中原幾萬里廣輪從此拓  
萬馬朝奔騰千車暮陵轍人哭而人歌代強而代弱我羨  
此坡名終古稱長樂

題梅花道人畫竹殘卷爲張晴溪前輩作

梅花庵主梅花仙不寫梅花寫修竹蕭森鸞尾掃數竿慘  
淡鵝溪餘半幅道人畫竹得竹情直節長梢態各足卷展  
微生六月寒簌簌輕颺入我屋湘江煙雨渭川雲一枕能  
通幽夢綠前書竹譜五十行蛟螭騰挪不可捉若令前賢  
見後生睂州洋州合心服零紕斷楮落人間清標宛映人  
如玉比似佳人半面妝不露全身更修淑

無錫門人楊芳燦編校

靈巖山人詩集卷二十七

靈巖山人詩集目錄

第二十八卷 古今體詩

終南仙館集

昭陽大荒落

絢雲閣小憩

游終南山十五首

尋元都觀舊址三首

內子四週忌日感賦

靜寄園西牆角掘地得奇石一徙置環香堂前

系之以詩

敬題文文山先生遺象家書卷後

楊補之問禪圖

蠹魚

題徐友竹仿董北苑夏山煙靄圖

寶雞行館宵坐展眺北棧諸山邀冬友同作

益門鎮

煎茶坪

大散關

草涼驛

和尚原

鳳嶺

心紅峽

畫舂關

紫柏山

紫關嶺

青羊峽

觀音碓

青橋

雞頭關

褒城驛

黃金峽

鬼門關

定軍山拜諸葛武侯祠墓

贈王道士青蘂

秋夜坐石供軒

見新月

秋雨連宵不止觸緒抒懷二首

穆生大展攝山翫松圖

題松林試墨圖爲冷明府

文燁作

環香吟閣遣懷

寄趙二損之舍人昔嶺軍營三首



靈巖山人詩集卷二十八

鎮洋畢沅秋帆

一字  
纓衛

終南仙館集

昭陽大荒落

絢雲閣小憩

竹密花深處疎簾透夕曛小池剛受月奇石學生雲習靜  
有佳趣求工無好文更闡支枕坐燒燼鳴鑪熏

游終南山十五首

天中奠鼇極四塞一山寨鴻濛陶鑄初造化費全力龍興  
虎視地設險控疆域東與太華連西與太白直漢水環其  
南渭水繞其北四面各千里終古森巖崩太乙司橐籥先

天置埏埴媧煉補難成楚炬燒不熄千峯萬峯攢秦雍受  
徧仄南山若剗平河嶽無顏色

日坐終南館臥游終南山山靈勿騰笑夙約緣非慳城南  
天尺五桃柳爭春妍茅屋村幾角板橋水一灣溪迴徑尺  
曲導我雙白鷗峯形漸作峭物態饒餘閒靈區匿山脇穿  
鑿排雲煙飛磴鐵鎖絡蝸沿復蟻旋面面闢生面窺測那  
得全紫翠靡定影朝昏變萬千

我從白雲入還從白雲出襟袖染蔚藍神思兩飄忽側身  
險乍生旋瞬妙已失巨石塞前路背有一縫裂蒼茫萬松  
顛猿徑裊一髮步步逼紫霄人偕飛鳥沒

好峯如嬋娟一轉一迴顧衣影卷輕雲鬢光濕香霧目送

不敢逆恐逢玉女怒陰陽乍離合指點虛無路谷藏無名  
花壁挂不老樹冷然天風來微覺暗香度人影照寒泉朱  
顏已非故曷不拾瑤草長生或可慕幽人石上眠三閣雲  
深處

松性本挺直偃蹇變顛顛根穿邃古石凌霄起拔地風雷  
練皮骨日月瀆精粹鐵榦蒼龍挈金泥黑虎覲森寒太陰  
垂魁魘遠逃避旣無翦伐憂或有神靈庇千松萬松交一  
竇景光闕梨雲斲伏苓人面滴冷翠

幽雲凝不流頑巖阻其路裊繞漾游絲透入深林去無心  
偶出岫飛騰守太素習習風景風油沛時雨寂斂還故  
山杳無端倪露孤僧攜不借錫影飛梁度跌坐石盤陀聊

與辯禪悟出險復入險囑予防窘步飄然水雲外是處可  
少住僧耶卽雲耶浮蹤費思慕

南山冠壺嶠修鍊栖列真直仙不可見得見有異人西峯  
絕壁下洞府倚嶙峋石牀藉花草寄此槁木身枯寂斷塵  
影不知幾百春餐霞并吸露神存形已泯洞中猿狖役洞  
口豺虎巡松陰覆石壇夜靜祀玉宸偶然出定去白鶴盤  
紫旻

福地亦人世有仙山則靈芝房瓊室中雲霞萬古扇嶺南  
仙姑孺云曾駐雲軿至今青壁上鑄有神仙名呼龍耕碧  
草駕鹿採瑤英步虛明月下天風吹玉笙石扉訇然開中  
有長嶺青

怪石忽得勢玲瓏插飛丁垂崖一千尺直下如斧斬珠瀑  
濺九霄精廬鑿空嵌瑤臺冠雲嶠環以碧玉檻結構矜神  
妙奇處在一險諸峯擎冥界黓敷千齒苔夕靄朝霞外錯  
以金翠鋌窮高象在升攬勝進以漸肅肅星辰臨咫尺禁  
聲喊掃苔題石壁山鬼嚇破膽

嶠巖雲作骨一石挾一狀權輿一拳多充塞積萬嶂乾坤  
靈淑氣至此始大放太華與太白退讓孰與抗巉峽窺奧  
如恍惚無定向險到巔絕處巖猿弗敢上天半翻銀海靈  
濤恣盪漾日月側輪過飛光防礙障

太乙擣仙杵精英洩奧窔參差不相襲向背無一肖羣峯  
競張勢猛劣等劫剽杳杳超孤虛元元貫衆妙石齒漱幽

泉煙鬢貼翠，鳶泣血子規。嘯含沙射工，弔道士前手。招癡童後口，哨投趾儻一蹶。翻身比側鶴，天風飄靈音。愛學鳳鸞嘯，惜無輕舉術。狙公恐匿笑。

不見樵斧影，但聞樵斧聲。樵人入重峯，峯頂雲冥冥。荒寒得古意，恣肆恢奇情。腳穿雙蠟屐，顧與猿鳥爭。風掃煙靄滅，倏向石上生。山爲靜者體，靈幻無停形。遠岫淡一痕，茫茫未了青。

元精淬劍鏑，利迫天根剗。上有金銀臺，仙局不能限。鑿石架作梯，飛雲鈎爲棧。百靈此胚胎，凌虛工結撰。入險少夷情，炫奇伏饑眼。高極心始危，平視境匪淺。縱登太乙頂，掬泉救餘喘。琳宮何代建，斷碣別殘蘚。艱阻來時路，只道躋

絕巘松軒豁雲壑，  
頽洞怯俯俛，  
頤歷最高峯，  
峯形盡僵蹇。  
萬朶插芙蓉，  
層巒翠屏展。

碧雲忽破碎，  
零落清溪潛，  
沿溪溯澗去，  
深淺不可知。  
桃花趁東風，  
紅雨片片吹，  
花迷洞谷邃，  
窈窕境難窺。  
礪凹有人家，  
土室圍竹籬，  
屋後豕有柵，  
門前鳧有茨。  
提筐採桑婦，  
橫笛牧牛兒，  
迎來坐盤石，  
父老前致辭。  
僻居深山內，  
幸長太平時，  
催科吏不到，  
家給免寒飢。  
年豐雞犬樂，  
雨足山川滋。  
挈榼酌春酒，  
聊以獻寸私，  
嘉茲淳朴俗，  
欣然罄一卮。

靈樞斡元化，  
紫霄洞表裏，  
古來列仙人，  
修真萃于此。  
藥鑪丹鼎旁，  
蛇虎守遺址，  
大還功已成，  
茲山今古峙。  
寂寂非人間，  
時聞落松子，  
刀圭覓一撮，  
食之可不死。  
洞府一局棋，  
何

終而何始

尋元都觀舊址三首

香土城南紫陌深，鶴飛何處問雲林。惟餘紅雨花千片，  
映終南自古今。

兔葵燕麥境全荒，賓客詩名枉擅場。我笑桃花太無賴，  
生輕薄悞劉郎。

踏青勝事舊京誇，無數芳菲簇錦霞。老去香山重結社，  
詩題遍洛陽花。

內子四週忌日感賦

楞嚴讀罷悟前塵，影事多年記尙真。卿死至今猶恍惚，  
我在昔本艱辛。眠餐保護資童僕，婚嫁經營累老親。根觸



心頭千萬緒不堪舊恨又重新

靜寄園西牆角掘地得奇石一徙置環香堂前系之以詩

一片秋雲瘞莽榛寒泉濯出碧嶙峋絕無妍媚脂韋態如挹嗽崎磊落人虎變雄文褫鬼魅龍騰遺蛻尙靈神我心似爾真難轉日對吟窻忘主賓

敬題文文山先生遺象家書卷後

勤王瓜步出亡時何處攀龍問六師海上陸沉無淨土江頭嚮導半降旗殺身始定千秋案殘局終難一木支誰似從容蒙難日一編手集少陵詩

瓜步軍門夜不開間關五嶺陣雲頽中原已換紅羊劫半

壁空謠白鴈來柴市雲旗藏碧血蘭亭石匣瘞沉灰義民  
辛苦收遺骼難覓冬青一處栽

聖湖王氣黯然銷廢闕銅駝臥寂寥蟋蟀平章葛嶺月杜  
鵲望帝浙江潮死收南渡貞臣局魂藉西臺老友招愧殺  
白頭王座主逃名遺老入新朝

空坑兵潰瀨江濱一突真同九鼎淪自有文章留正氣何  
嘗聲妓累忠臣黃冠遜世悲無地白刃飛頭畢此身烈血  
一腔描不出凜然餘怒尙含瞋

揚補之問禪圖

草龕趺坐亂峯深人叩松關月影沉頑石鈔參皴透瘦輕  
塵悟徹去來今水雲靜度飛輪劫蛇虎宵窺立雪心定後

觀空忘罍礙佛鐙一盞耿秋林

蠹魚

笑渠微細物愛向石渠居到口有訛字資生仰亂書幾經  
文網漏所幸校人疏我欲焚芸葉晴窗爲辟除

題徐友竹仿董北苑夏山煙靄圖

濕林漠漠山欲無炎輝騰景積氣蘇煙霏霧結雲卷舒千  
章木蔭幽人居遠峯一重一掩不雨而模黏平沙一環一  
抱不波而縈紆上有三陣兩陣啞啞萬點投林烏下有十  
里五里青青一片搖風蘆牛羊蔽野不受拘其角其耳態  
各殊牧童執鞭隨後驅貪此叢陰灌木未肯歸村墟溪西  
長橋板不鋪綠波浩淼有客攜琴奴小舟泛泛輕若水鳧

草亭野客坐對興不孤披襟一笑舉手相招呼勞人負戴  
嗟力痛草草惟恐日欲晡前者唱于隨和喞手攜釣竿肩  
荷勅嵐光墨彩互盪盪巖谷幽邃龍蛇逋陽施陰設神鬼  
徂渾渾元氣超軼鴻濛初沉沉筆力壓倒倪王徒展圖令  
我凝雙矚朱文款識幘尾書董元畫格王維流叶迺我老  
友鄧尉山樵之所撫髻頭皴法天真留叶殘縑破絹珍璠  
璣瀟湘一卷星鳳如予藏北苑瀟湘圖董文敏跋有世如星鳳之語錦暉玉軸藏我廚今  
觀此圖神妙俱如寫煙村水國姑蘇萬頃之平湖南田草  
衣藻鑿洵不虛臨摹肖處直與化工囊籥相吹噓山樵童  
顏白髭鬢閒如野鶴清而癯虎山橋頭小結廬邱壑位置  
意自腴世間萬事舍畫無所需忘餐廢寢亦太迂眼前腕

底揮灑無崎嶇噫噫乎夏山臨本一見拍案而軒渠夏山  
真本不見掩卷而躊躇得隴望蜀胡爲乎題詩卷中送歸  
吳他年結鄰願不孤我家靈巖君元墓叶梅花萬樹一半  
將屬吾吾還賞我瀟湘圖

寶雞行館宵坐展眺北棧諸山邀冬友同作

款人花鳥倍殷勤棧口縱橫錦繡紋一枕波流渭川月半  
房簾捲蜀山雲玉雞飛動春嘯雨面對雞山是日由鳳翔  
早發途間得有微雨鏃馬喧  
騰夜點軍點驗赴  
川征兵一帶遙村連鳥道風鐙紅自益門分

益門鎮

鬼斧穿雲胸砭然逗靈竅外漏一線天中通午時曜一重  
復一掩如堂又如奧清渭襟帶環秦蜀此扼要魚鳧開國

初經營亦神妙異境藏山心幽泉若爲導拔地碧千仞峯  
勢漸作峭石意不冑平層層肆劣拗設險壘崇墉伏機駭  
飛礮淺窺魂乍搖深入意非料細境界虛冥力難勝排冪  
五丁倦施設今古無人到

煎茶坪

滿山黃葉林彈指失現在長鯨捲銀濤天風漾雲海中有  
萬靈奔雷霆薄真宰駕虹驅作梁飛霞結作綵光怪森百  
幻震蕩洵堪駭涼風透裕衣弭節難久待披雲闖雲入妖  
魘若予紿四顧絕寸土進退兩危殆擲身茫昧中側足意  
敢怠息影避虎蹤尋聲測泉浼一峯雲忽收千峯雲頓收  
迴看劒戟攢陟險生往悔眼前平卽陂那得世無鬼掃雲

烹石鼎一瓊澆魂磊

大散關

嶺形宛游龍雄關跨其脊鑿空自遠古五丁創開闢窄磴  
緣豪茫耳刮手摸壁晦冥雷雲屯險阻隔咫尺熊藏密箐  
嘯狻抱亂石擲千盤不到頂弗敢覘健翮梁益萬里道咽  
喉此地扼羣雄昔虎鬥割據判順逆封以一丸泥萬夫爭  
辟易廢堞至今存緬想戰守策失勢破竹如國殤瘞血碧  
杜鵑喚淒魂鬪髓等山積年深變燐火嚇人風雨夕閒行  
谿谷間沉沙露折戟

草涼驛

絕澗無靜聲遇石逢彼怒喧歷爭不已安肯讓寸步重淵

蜀道山行詩卷二十一  
一  
瞞洞洞蛟龍抱沉痼噓氣萬松嶺濛濛罩毒霧雙峽靳容  
光卓午景已暮烏路蛛絲垂微茫雜迷誤心搖怖前瞻足  
瑟怕迴顧飛石取側勢顛沛迎我仆林淺復林深雲吞條  
雲吐舉鞭指破驛一隻出荒戍夕陽淡碧溪人唱公無渡

和尚原

雲棧極天險繫秦蜀門戶後面顧三川前面制三輔虎豹  
屯師旅嶺嶂列樓櫓一矢當關發萬雄孰敢侮金源多精  
兵曠騎如風雨魏公洵忠貞經畧竟何補富平覆師後力  
已盡強弩不有吳處制關隴擲一賭架入陷鏃陣橫擊揮  
霓斧紅袍金盞人退走黃龍府遂令全蜀地百年保安堵  
同時立戰功惜哉劉子羽秋空霜氣蕭淵淵殷戰鼓破壘



莽平蕪天陰鬼語苦

鳳嶺

杜鵑喚客夢殘月縣霓旌巖城大於斗雉堞排雲屏鈎梯  
連鳥道仰睇萬仞青蝸壁投趾怯馬蹶與石爭籃輿挽緯  
上倒蕩魂凌兢猛進憚蛇退矯舉矜猱升峯橫截去路路  
細穿雲生攀躋窮絕頂瞥眼落下層千盤纔出險寸步又  
失平愁深泥滑滑春暗花冥冥複嶂嵌丹穴云昔鳳鳥停  
仙人紫玉簫吹落天風聲

心紅峽

威鳳失翠翎墜地成錦石危磴入飛泉杳窅洞扉坼曲棧  
窺雲深流雲塞塗窄畫屏倚三霄倒景蕩空碧鬼工技應

窮又作小開闢黃葉換碧山幾秋幽夢隔野老不知名定  
識重來客悄聞冷猿嘯愁挂松百尺意忖奇不慳目成妙  
必獲鶴背吹笛人下笑塵境隄欲去步轉窘紆我高齒屐  
山心與客心眷戀弗忍釋雲霞恣吞在絢染異光澤女媧  
補天還石痕留大赤

畫眉關

遠山娟娟影碧空呈窈窕綠雲鎖雙鬟離合神光杳洞壑  
閣道蟠屨底掠飛鳥列嶂環馬頭重重青不了峯迴古關  
出霞外一隙小千層目未窮九逝魂欲掉孤悰去飄忽軀  
趁游絲裏香吹薜荔衣山鬼夜深翺明月鏡斂空掃翠人  
悄悄

紫柏山

紫虛洩靈粹滋苗鍾異木香芬奪沉檀側理交篆籀鏤奇  
到石破魑魅亦爲哭丹梯阻霞深上有瑞靄覆一峯雲一  
片一步水一曲寒翠滴層霄三島在其腹樵夫指予笑中  
有仙人躅終古杳足音葳蕤鎖遠隩飢則花爲餐臥則松  
爲屋丹鑪勤守護驅遣有白鹿昔聞張留侯功成此辟穀  
予亦談元者投簪返初服採藥訪列真茲地洵稱福洞府  
得長春滿山瑤草綠

柴關嶺

仙關鎖瑤局慘悄萬靈翕羣峯忽飛縱天勢不可攝古冰  
松嶺縣危石雲頂壓回瞻壑無垠仰眺崖欲合芙蓉淬劍

鉞豔向天根插灌莽障四極潛陰洞匝晨昏錯光景升  
降寡寧貼若木驅燭龍到此燄亦歛上有老鶴巢下有瘦  
蛟蟄雪然風雨生疑是鬼神入雲泉互欲歎石骨萬古濕

青羊峽

荒墟人畏虎日落早閉門頽垣缺補竹翦槿編籬樊峽深  
覺景淺鄰少不成村星光小於豆甕底沈昏昏曷弗乞天  
鋸截斷青雲根聲聲子規鳥更更冷嘯猿荒寒異人世俚  
鬼招其魂一鈎峯背月靜存太古痕

觀音碣

世尊施梵咒彈指靈鷲墜片片吉祥雲化作石飛動千松  
萬松間冷翠夾一術側身睨龍淵巨石裂有縫風輪扇輕

塵倏著無底甕雲根浸寒泉芥子須彌重終古青蓮華歷劫現清供慈月暗金容茅庵磬聲送灘喧廣長舌靜界僧鬧闐過客多留題懸崖費磨礱解脫文字禪跌踟倦哦諷行人畏阻深一步增百恐夷險幻念念沈迷佛所痛寸地總危途大千胥夢夢

青橋

前騎不得退後騎不得逞前人松隙立足踏後人頂岫逼側摩肩屣屣礙引領一折各一天一層換一景冥匠鑿刻意磅薄靈情迸雙崖失附麗飛梁貫峯頸罡風撼動搖杙闕絡窄縷筠密鮮直節樹古病醜瘦澗底碧桃花流紅入枯井霞光染不成人立虛無影

雞頭關

鉤梯上青天飛陷三泉底一線窺褒谷秦棧將窮矣欲窮  
未窮時精祕洩不已百靈運神斤一落又一起憑虛肖物  
象鐫鏤逞奇技雲霞輝五色雄冠竦而峙卯金初奠鼎締  
構實始此翰音占登天亭長作天子漢上一聲鳴白蛇抱  
劍死

褒城驛

險極生夷情履坦得貞吉剗然見天容恍從鬼門出經歷  
奇境艱巉巖瞥眼失斗城森百雉搖鞭指古驛竹屋碧泉  
流雲窗幽草密秋林間黃綠纍纍懸袖榻僮僕拍手呼更  
生歡喜溢雲山夙眷戀息影心暫逸登臨孝子懼幽怪奇

懷暉拂壁欲題詩上有孫樵筆臥游客夢長淒鐙掩屈戌

黃金峽

導漾東爲漢波流清且駛萬壑爭趨之作勢建瓴似疾湍  
縱一往其涸立待耳曲之千渦盤束之兩崖峙洪濤恣撞  
春鑿鑿露石齒悉力峻拒之哮吼怒不止聲訇走雷霆錐  
銛截犀兕天吳掀坤軸波立十丈起遠思荒寒初靜憶水  
生始下界盡如斯天漢西流矣

鬼門關

情景淪陰泉靈風撼大宅雲嵐割昏曉三光地底坼濃翠  
滴層霄萬峯爭一隙鳥道循秋豪危橋貫雙石壁削削鍊  
工途爭塞垣捩松深翳冷青日瘦淡虛白幽淒盛鬼氣瘖

馬意辟易覷之心魂驚陰陽駭境隔恟恍森羅臺變相現  
咫尺醜石狀猙獰見我逞逼迫金蠱畫羣飛道是鬼王役  
魚鐙闕泉扃白日空一擲冥晦沉雲雷天地亦踟躕

定軍山拜諸葛武侯祠墓

赤符丁未造佐命起南陽蛾賊妖氛熾貂璫闖禍猖藻精  
司馬鏡廬近臥龍岡梁甫清吟暇隆中定策詳書傳圯上  
履車載涓濱瑣屢叶魚逢水才殊豹隱囊許身由感激受  
命太倉皇鼎有三分局雖無一寸疆中原紛鹿逐羣盜逞  
蜂忙創業資荆楚開基定益梁偏安雖割據正統亦淪亡  
漢賊名先正闔張命不長事難成算定兵籍老謀臧魚腹  
沉弓劔蠶叢闕斧折哀傳憑几詔涕雪誓師章繼體真辱



弱憂時更慨，傑奇才凌管樂孤。蓋鑒高光戮力，憑諸將銘  
勲冊武鄉七擒蠻，肅肅六出陣堂堂威斗將，移運前星忽  
隕芒隴原成壘，廢秦棧幕屯荒巷，哭多家祭魂，招痛國良  
理繁嗟食少盡瘁，易神傷空撫庭前柏，虛栽郭外桑，淡寧  
心自遠，謹慎道彌彰，死節悲瞻尙遺言，薦蔣姜大儒名不  
忝，王佐畧非常，高冢麒麟臥，崇祠虎豹藏，淒涼羽扇影，寂  
寞石琴張，夜雨神鐙出，陰飈鬼馬驤，村墟聞鼓角，俎豆肅  
烝嘗，玉壘浮雲合金川，殺氣狂願公宏指畫，卽日掃欃槍  
畫壁靈旗影，中宵尙奮揚。

贈王道士青藜

拋家高臥白雲鄉，閒守丹鑪鎖翠房。緱嶺吹笙曾跨鶴，金

華叱石定成羊赤松口授餐霞訣紫柏書傳辟穀方擲杖  
飛行青壁頂神仙未必盡荒唐

秋夜坐石供軒

不覺身如葉隨風墮玉琴月移殘菊影秋入敗荷心永夜  
吟情倦新涼夢境沉暫時羣擾息翻認臥雲林

見新月

屋角娟娟月初更影欲殘蛾眉纔半掩兔魄未全安澹鎖  
珠簾怨光沉鏡甲寒紅樓頻悵望愁倚玉闌干

秋雨連宵不止觸緒抒懷二首

入土流膏潤因風作勢斜輕霑宜宿麥猛打惜幽花涼意  
砭人骨清波盪月華終南濃翠滴密幙底須遮

笛簟沉沉夢風簾閃閃鏡一宵長枕手百感柰填磨泉下  
同誰聽樓頭伴我登對牀虛舊約淒絕痛難勝前在京華與三弟延清寓居聽雨樓每邀宿望連翹燭論詩拈蘇家風雨對牀之句謂他日休官旋里得踐此約幸矣今吾弟下世回憶前言不覺哀慟難任也

### 穆生大展攝山瓠松圖

霜紈肖幽蹤冷翠滿空谷蒼然一笠雲松子拾盈握樹古  
不記年人古不諧俗長鏡斲雲根茯苓煮初熟聞昔明僧  
紹飛錫駐山麓不見六朝人瑤草春壇綠

### 題松林試墨圖爲冷明府文煒作

渲染鬢看翠色勻石牀趺坐一閒身浣花箋紙松煤墨此  
福能消有幾人

心正何妨筆勢斜騰挈腕底走龍蛇墨池餘瀋看飛灑幻

出紅雲一鏡花

深柳琴堂對五泉清聲自有口碑傳莫嫌兩袖無長物付  
與兒孫是硯田

家臨滄海接空冥歸去應規畫妙亭若遇環香訪仙蹟焚

香浣手讀黃庭

予環香吟閣藏楊翁和書黃庭  
黃庭真蹟爲歷代法書第一

環香吟閣遣懷

不逃禪悅不修真簾捲犀鈎解辟塵自改新詩編甲子偶  
膺舊疾遣庚申瀟湘北苑虛中景笠屐東坡幻裏身熱客  
款闕頻退訝只應邱壑有斯人

寄趙二損之舍人昔嶺軍營三首

冬夜點檢軍書從定邊將軍溫閣部封緘中得損之

舍人書並寄懷篇什萬里戰場三秋別緒展誦感惻  
不能已已讀其詩傷其憔悴又喜其軍務旁午時猶  
能不廢嘯歌險夷一致於道庶幾哉比聞

天威遠讐小金川逆酋窮蹙就縛在旦夕君仰荷

恩命再入中書相見有日佇盼奏凱還朝當置酒曲江頭  
重話舊游耳得詩三章仍附軍郵馳寄並問王大蘭

### 泉考功消息

蕭然吳下一書生絕徼三年聽鼓鉦虎帳拂雲朝草奏龍  
泉歷雪夜談兵平淮功定資裴相檄蜀文還仗馬卿此日  
賜環人未老好憑筆陣掃欃槍

月落威弧曉出芒傳聞幕府運籌長烽青劫外雙名士

謂君

與蘭頭白兵間一錦囊人血蘸題詩句健鬼燐飛照夢魂  
荒丈夫若遂封侯願老死沙場也不妨  
插羽飛馳尺一書開緘鄭重抵雙魚古權同結千秋上病  
骨孤支百戰餘兵革殘生詩卷在江山狂興友朋疎斑蘭  
嶺外今宵月宵照吳淞舊草廬

原作

趙文詰

蘭鳩萬里記從軍插羽書中尺素分豈料餘生重轉徙  
更從此地一知聞尊羹尙動歸吳興棠菱初傳主陝勲  
今夕戟門人未寢也應吟斷隴頭雲  
無復高樓聽雨聲空將身世感雞鳴賜環人老嗟如夢  
結佩情深念昔盟後死我猶思著述得時公不愧科名

會同簪筆承明側  
雪壓瓊虛劍獨橫

武進門人徐書受編校

靈巖山人詩集卷二十八

靈巖山人詩集卷二十八

六